

馬邑縣志序

馬邑吾晉古名郡也縣治始於秦地據北方形要兩漢以來雖易名移治分置復舊史不絕書未有不視爲雁門藩衛雲中脣齒卽如顧景范所謂屹然北峙爲全晉之鉅防也而地方疆域沿革及古蹟險要人物風俗物產應有記載之書固矣自元及清五百有餘年始聞裁併其間志乘未付決如又彰彰矣洎乎晚清專治惡燄愈演愈激地方興革要政馬邑以鄉之名義不克自專種種受人支配動涉牽掣無異周末之附傭小邦東西各國之保護屬土官民俯首聽從坐視成敗無可如何其情殊可傷也辛亥起義共和告成越二年而馬邑地方紳民趁此言論自由以改鄉歸縣請於中央冀地方要政煥然維新是邑人所願也馬邑於中國猶太倉梯米抑馬邑治卽中國之一部分治也旣而中央果允所請矣紳民苦心孤詣慘澹經營卒如願以償矣於是地方財力所及人力所至汲汲於自治教育不及三年而自治已樹其基學校驟增其數人民望治者久之孰意縣治不久復廢人力囿於壓迫不復任其所之財力被其限制反成不資之况譬之治田力不瞻或惰其力者田園荒蕪未有力瞻而不能自恃其力致田

馬邑縣志

序

一

園荒蕪者馬邑之廢縣歸鄉有如斯也惟願後起有人思復縣之意踵其跡而成之勿使後人而復思後人實邑人將來之幸也馬邑固有縣志此次恢復縣治時雖未幾而事不可沒姑志之以待來者

中華民國七年清師範科舉人中書中書銜現充模範小學校主講兼農業專門學校教員
河津景珊劉清泰

序

邑之有志尤國之有史所以彰善癉惡勵前啟後以樹風聲也吾邑自裁縣後學宮凌夷土風日降邑志卽有無形消滅之憂雖吾先君壽山公有重修之舉惜未竟其功迨民國告成馬邑分治誠千載一時之際遇也然邑志殘決重修實不容緩欲將此志質諸同學諸公共襄其志以繼將絕之功以竟先君之志又值闔邑士紳咸來雅囑余不揣愚

昧毅然獨任以爲今之修續之補之無所謂纂與編所難者舊志修於前清康熙迄今而治亂興衰又增二百年矣雍正乾隆間官斯土者無姓字之留則其事之遺亡失傳

者不知凡幾縣既裁社已屋矣又何論乎文獻今雖儘力蒐羅難稽什一於千百夫官師人物藝文固以表麗山川增輝下邑有則爲重而當書無則因方而從決有長必錄所以存其地存其事存其人也至沿革山川古蹟舊志文簡而該詞質而核今於太簡太質之中徵以事實有一事一物一名必載其源流綜其始終尋其顛末蓋惟生長斯地者乃能攷据詳明言以信而有徵知山河風景無今昔之殊城郭人民有盛衰之異粵稽元魏肇其雄踞是邑其建置廢興尤足多者且蠶山鍾秀桑乾效靈人物之生不必衡以上下千古由明及清而論列忠節者有人列事功者有人列文行者有人掇巍科位躋卿貳蔚蔚彬彬于蒸蒸日上蒸蒸日盛裁縣後百年來寂無聞焉吾深幸邑之有官掌司教化能造士能作人也顧或者曰縣併州州豈無賢父母乎孰知裁縣爲鄉我以鄉人自居人即以鄉人待我親近薰灸得月者先在近水樓台民國紀元縣治恢復知事陳公廷璋下車後即以除暴安良爲宗旨牛公凌霄常以興利除弊爲先務若王若郝若陳亦皆政簡刑清吾邑大有起色雖當人才凋謝物力消耗風俗頹敗之餘挈其要而振新之披輿圖功思保障鑑人物動思規箴按風俗化贍有極政與時爲變通教化

馬邑縣志

序

二

而大行矣余自壬子以至甲寅訓蒙之暇輒爲鈔胥自愧枵腹藏事才學識一無所長志官師攬摭史冊志人物收錄耆善或妄加品評信筆粧染沿革雖詳古蹟亦夥或疑指鹿而爲馬山川有評藝文有辯自信狗尾之續貂買怨叢謗必至之情新修者或不如仍舊幾欲付之煨燼又以勞心者業歷年所年近七旬合不成而功弛繼述梓而存之以俟後之博雅高明大加筆削爲一邑之信史吾先君壽山之志有成余小子差堪告慰也是爲序

民國四年正月八日清恩貢生邑人冠英霍殿鼇薰沐鞠躬撰

總理

署理馬邑縣知事靈邱

陳廷章

鑒定

清師範科舉人河津

劉清漳

承修紳士

清恩貢生

霍殿鼇

校訂士紳

清歲貢生

句明德

師範科畢業生

李體元

清廩生

盧表

參閱紳士

大學堂畢業舉人

徐東源

前清拔貢生

段連璧

前清府學歲貢生

李鳳儀

大學堂畢業優貢生

元爾殿

校對紳士

中學堂畢業生

郝秉鈞

田渠清

馬邑縣志

序

三

前清廩生

張維

前清附生

白鳳章

前清廩生

賈明德

前清附生

霍鎮南

採輯紳士

前清附生

焦入聽

附生

田菽

畢業生

徐東郊

中學堂畢業生

徐裕仁

中學堂畢業生

陳品題

高等學堂畢業生

張觀成

師範學堂畢業生

金弼國

正字紳士

前清增生

符 標

前清增生

張 履 中

前清吏員

霍 毓 瑞

中學堂畢業生

金 立 國

舊序

夫志記也然不日記而曰志者蓋記以記實迹誌以志永久也故一邑典籍惟志爲重而守土規畫修志爲先乃今三晉之志全備者固多而缺畧者亦不少甚有缺二三十年五六十者且有無志者噫可嘆哉值茲文明盛際教化隆治國有史館野有掌故非如繩契以前渺忽亡紀又非如獲麟以後筆削遂絕也何以漫無策勒竟令徒跡湮沒而不傳乎馬邑前令王君一鳴草創未就趙君承芳欲紹厥事亦未竟其功自王君日新毅然任之而纂修始成迄於今又經一紀矣其間人才之盛衰風俗之美惡民物之息耗與夫興革利病政治得失不無與時變更者倘遺而不叙將何以備紀考而稱完錄也然邇年來災歉頻仍糧徭逋負弊蠹紛麻而人心成玩號爲難治方余左遷之

馬邑縣志

序

四

始惟旦夕冰兢以不克勝任贖前愆是懼卽欲存事於補綴未能也今茲負者以完怠者稍振而他務亦頗次第舉行方擬編修原志而巡撫山西都臺李公會同巡按山西直指康公移檄通省郡縣今各采輯刪定以成一方文獻余卽踴躍奉行因延請宿學博綜王君繼文崔君鈿孝廉霍君鏌邑庠生霍子鏘王君道純霍子鉦霍子鑛李子如榛吳子應舉徐子三變元子體震若而人者蒐羅正各效其長近事未載者增入舊蹟散佚者考訂余亦以己意時加品藻故不諛旬而成帙以付剞劂氏而鏡往詔來庶垂永久卽以是呈之當路者將未及面陳而俗已貢未及躬曆而風已觀舉一邑之事實昭然在目矣倘令茲土者撫輿圖則期保障之功鑑人品則動法戒之念按風俗則思移易之方而綜理民物導利剔蠹俾守不墜而無玷官箴其於斯志也或無負己是又所望於同志者

明萬歷三十六年歲在戊申季月文林郎知馬邑縣事東萊芙蓉宋子質拜手書

舊序

邑必有志者紀其實也誌必重刻者通其變也蓋國家採風貢俗程物此事惟志是據

變而通之存乎其人前者有作後者繼焉所從來矣第其事欲核核則信詞欲直直則公非公且信總之于志無當已馬邑在古爲寰州前時志未有作者作之自邑進士武公文始歲月既久闕失漸多曩邑侯寧海王君曾董弟子員校讐而壽之梓已彬彬稱完錄矣迨自萬曆乙未而後迄今又一紀有餘其山川疆理之跡物產土俗之宜卽今昔不殊而氣化之灾祥民生之利病營建之鉛華與夫循吏之政科貢之名不無與時運相爲盛衰而變遷者倘闕逸靡紀後將何述歲乙巳邑侯宋君以齊魯之英奉命而來下車後卽詢邑志咨故實閱人文輒慨然欲重修之顧以爲政未遑也越今已三載課績矣諸凡利者興弊者剔訟者平賦者均載在士民所爲實政錄中者若陽之善植圓中規方中矩匠之善木曲中鉤直應繩於治可稱有成矣會戊申夏承當路者檄俾重刻邑志遂屬諸士而告之曰若生于斯長于斯其耳目之所覩記罔不詳悉間有所宜增減者當與衆商確以成信史不然而傳者安于習述者狃于讐是土羹也志之不核焉用文之諸生日唯唯退而謀諸野得之耆舊濟以傳聞事有該于原本者則因之而不革事有未經紀載者則益之而不泥視曩者所志尤加詳焉余唯晉乘甲天下使

馬邑縣志

序

五

經聖筆當與春秋等馬邑雖其一隅乎得侯之修而志愈重且使後之君子繼此而興者得有所考則斯志也其永光晉乘哉余因嘉侯造馬邑之意甚盛而又樂侯之有成也因僭而序之用垂不朽云

明萬曆戊申季秋之吉邑治下舉人晚生霍鏌頓首拜

馬邑鄉志

舊序

康熙庚辰之夏余奉簡命來令馬邑邑古寰州地也其形勝爲雲中肘腋漢魏以來唐宋而後代有豪俊爰及國朝亦復不少謏諤特行之士余昔流覽篇什記誦傳言久矣聞其畧而未晰其詳茲取舊志閱之噫異矣百里之邑猶古百里之國也邑有志猶夫國有史也史所載政治興革品物臧否與夫言德立言之要罔不按年具悉郡邑有志亦如之何至是邑之志而顧約畧草率荒鄙無文將何以稽古籌今耶詢其故或舊典尙存而無端刪削或新緒現在而莫爲補錄倘遲之又久不幾將古今之功列章程盡皆湮沒無傳乎用是召諸父老揖諸紳士謀所以修輯之訪其人咸推邑士現任長子

廣文霍君諱燦字震生者故銀臺韻衢公之曾孫中翰韞齊先生之冢子也聞見博洽考訂精詳克當是舉敬修尺一以請蒐擷者越二年於茲矣壬午之秋震生以應試入省暫假歸里隨出行笥所携以示余曰是集也承父臺命不敢不勉而先大人平生未了之志卒以遺之小子小子殫數年心力幸得成書余受而卒讀見其分門別類列款標目彷彿之古史庶幾近之所誌與圖則歷代之廢興可攷焉所誌賦役則先後之因革可稽焉若官師若人物若藝文其間賢否之異盛衰之殊得失之辨可鑑焉文獻足徵較之舊編秩然可觀余以告通邑人士曰志者邑之公器也務期不吝參閱而實哀之無諱無偏各抒所見衆曰唯唯歲終告成遂授剞劂使繼此而有修明之令茲土一者補遺增闕後之視今不異今之視昔是余之志也夫是余之志也夫

清康熙四十一年歲次壬午十有二月朔賜進士出身文林郎知馬邑縣事曲梁秦擴撰

舊序

馬邑叢爾地逼處荒徼滿自蕭條久不成百里規模矣然稽之往史自秦漢以來迄于

馬邑縣志

序

六

今不廢中間爲縣爲郡爲寰州固州漢高帝六年韓王信請治馬邑許之豈非以其肘腋雲西襟帶塞北固亦雁門關外憑險扼要之所哉元宋而前莫考有明三百年間啟禎之季無勞問矣其先猶不失爲富庶之區蓋其時以宣大爲重鎮特推督撫大臣節制諸道金戈鐵馬碁布星羅又爲代藩封國天潢繁衍其麗不憶凡兵餉之所供宗祿之所貢率中腹裏而輸邊方食貨充聚販者不絕於路相傳其時民間麥一斛可易白鏹數兩所以額賦易辦而貪箱仍有餘蓄百室盈止職是故也我朝定鼎不第朱氏子孫臣服而中外一統烽燧無警因而歸馬放牛撤邊兵十之八九斯固小民沐浴歌咏之會乎而無如下里僻壤獨苦于粟賤不售嗣罹姜攘之亂兼頻年水旱之災遂致地蕪丁逃貧困之狀相沿而日甚一日此其前後景象之大相逕庭者有由來矣獨是山川依然城廓如故否泰剝復氣運循環桑田滄海之變何代何地無之而奈何積弛之久百務皆墮生斯土者苦供憶之疲而遂懶事乎耕耘官斯地者懼考成之累而每無心於教養曩在國初卯午丑戌之交歌鹿鳴題雁塔者猶與諸名邦相頡頏至今日而弛誦之聲亦寂寂無聞矣豈眞地喪其靈哉仰亦人懈其志使然則邑志之修得毋

出補救之一策歟然而難言也志創於邑先達武公文刊於邑侯王公曰新重修於宋公子質屈指而數距今九十有八更無人焉崛起而修之者其始也亦弗免因陋就簡或以壤地褊小文獻不足之故其後乃茫無記載甚又刪削舊章毀棄楮板魚魯豕亥之訛莫可辨証今欲使百年以後之人而纂百年以前之事捕風捉影掛一遍萬微論無以爲訓也某亦何自而爲屬草載筆之據或傳會傳疑失遷固之旨矣先君子林居十年日夕念此不置不意癸亥有地震之變乙巳遭異常之荒惟修城救饑二事苦應焦思血氣衰而精神耗力不復勝鉛槧之勞矣一旦溘然長往臨終檢篋中舊志二冊示小子曰若謹藏之他日必有賢父母來徐圖修舉用酬吾願小子唯唯受命噫嘻前人待之後人後人更待何人此余小子每不禁展卷咨嗟而弗能已於筆墨之役者也自戊寅秋補鐸樂陽携諸行筒課士之暇博求故實追憶遺聞稍涉猶疑者則寄語家人訪諸故老與二三衣冠同志之士必得其梗概然後舉而書之計殫數年心力始得漸次成帙願一已之公斷非一家所敢私幸遇曲梁四知秦候下車一切與民更始起衰扶數布置從容覩舊乘之殘缺荒陋而以纂補之事千里相訂余小子接讀來教乃

馬邑縣志

序

七

手額稱慶曰先君子之所待賢父母者亦既覲止我心則懍矣壬午秋闈之便暫假歸里爰持所編集繕稿請於侯裁定侯披閱一再過目是余之志也夫是余之志也夫急延邑紳士長者參考互訂衆謀僉同卑付剗劂而邊地苦無梓人復議侵於樂陽之冰署棗築工價之費恐非寒氈力所能措侯首倡暮衆邑人士之老成好義者莫不樂從而無奈瘠土民貧僅得三十餘金曷克完此一段公案家慈聞之呼小子前曰余夙稔爾父之行於綢繆桑土之計不憚抬据茲一役也了先人未了之志爾官清苦力弗贍余當脫簪珥以七十金相佐家弟侄輩感之亦各效綿力於今又三易寒暑厥事始竣厥書始成而余小子適以序及推轉報遷天成教授行有日矣卽當携此簡策籍作兩袖清風歸而遺之國人還之公家而迴念先君子臨終叮囑之言與邑大夫推獎之力嘔心血者七年得就編者五卷則可能不爲一語告厥成功以痛哭古人留贈後人耶嗚呼余小子才疎學淺原不足當史氏之選猶憶戊辰承乏樂陽縣志之役賈謗叢怨何所不有其後事久論定於今十有八年而人無異說直道自存敝邑固凋殘然人情樂善而不阿先曾大父疏豁逋糧至二千石先君子補築頽垣數賑饑饉曾有公德於

邑人者故邑人迄今猶尸而祝之小子混跡銅臭潦倒半生倘不及此勉力搜輯將一邑之人文典故聽其與寒煙衰草同消沉於無何有之鄉負桑梓而辱祖父不義亦孝矣此又余小子所由未搦筆而先墮淚者也矧今聖天子文教覃敷治化翔洽一統志之纂應不遺夫山陬海澨秦侯秦宣德意政簡刑清則又彈丸黑子千載一時之際遇也雖不敢潤色鴻猷黼黻太平而考徵新編次粗備披輿圖而審風土建置之宜核賦役而識盈虛消長之數溯官師而辦法度紀綱之詳覽人物而見忠孝節義之備流連往復循名責實當必有感憤與起慨然於中者問何以培元脉而雷山之風氣復古問何以甦涸澍而俾灤水之滋息不窮問何以礪官方而遣洪濤甘棠之愛問何以砥儒行而垂桑乾鄉曲之名以至徵諸傳記形諸歌咏者莫非此物此志卽云爾或瑕瑜不掩音律欠協亦第取其言有關於邑之景物之興衰邑之財力之登耗邑之召父杜母之經濟邑之學士文人之性情者而採入之總或嫌於少文諒無妨於率質而於中舉要者若節義之表則必準以月旦之定評加以父師之確勘其他歷叙諸人物於累朝則有舊史之可按於近代亦惟彷彿其人之生平志附不朽者謹摻觚而樂從意或

馬邑縣志

序

八

妬美者亦平心而靜聽要之善善長而惡惡短志與史之稍不同者其理其勢振古如斯矣至若御製 聖賢道統之贊欽頒訓飭士子之文煌煌令謨炳耀千古不敢不拜手稽首颺言於篇而聖諭十六條則講約案內秦檄行令通省於修志之時一體編入者再如撫臺噶大中丞之留心教化飭建義學學臺汪少伯之矢志澄清題改分中事並關乎風教惠不遺於斗城例得直書用備太史之採匪曰邀寵妄希上位之援倘謂着意紛飾信筆粧染或指鹿而爲馬或舍沙而射影詡已之長形人之短則有 先師告子路之言可述也曰予所否者 天厭之天厭之

清康熙四十有四年乙酉三月潞安府長子縣儒學教諭今陞天城鎮遠衛儒學教授邑人霍燦震生氏薰沐謹撰併書於學署之敬寬堂中

脩志凡例

一去創藁始於有明弘治時進士邑人武公文嘉靖間邑候王公一鳴萬曆初年邑候趙公承芳均有志授梓而未逮萬曆二十三年邑候王公日新始付劖劂三十六年邑侯宋公子質重脩自此而後由戊申迄今乙酉凡曆年九十有八遺忘失傳之事不知

凡幾雖極力搜輯而掛滿已多第取其聞見之有據者悉登於篇

一家藏舊志二冊宋公子質重修之本雖一切崇尚簡樸而鋼舉目張不失作者之意後之好事者無端刪削止留一冊寥寥數葉而捏作序文冠諸簡端曰重脩重脩云噫此誰欺欺天乎細考其故但欲人一請豁荒田未允之詳與一二地丁增損之數意非不善也而不合割裂舊編以致楮板模糊次序舛錯又裁去藝文何以成志今悉從舊本更正共爲五卷宋脩序文二首仍錄梓卷首以備參考誕不訓者則有闕文之例

一諸志體式不一聲本標目曰輿圖建置學校祀典官師選舉人物雜附藝文共九條今按志先輿圖宜也而輿圖所統星野爲重災詳應之山川之延袤城池之沿革壇壝橋樑形勝古蹟風景之所由來總不出輿圖外耳則一以輿圖爲斷建置學校祀典皆是官師之所有事也一以官師爲斷選舉應歸人物之中雜附彙人灾祥之内事以類從義取條貫而賦役二者國課民命攸關舊本附建置而書之故多未詳今獨爲一編其內若村堡舖舍之廢存里甲戶口之消長田賦支解之源流驛地額稅

馬邑縣志

序

九

之征派以及土產市集均小民輸將之所出力也固當備著始末爲留心民瘼者所採擇藝文則前之所取後之所棄而今復搜入之者爰總其目曰輿圖曰賦役曰官師曰人物曰藝文仍各弁數語於篇首覽者幸垂鑒焉

一舊本誌歷代官師人物有僅列其名者有書其略於名之次者而行實總弗詳今無分遠近但有芳規之可儀者必詳書之所以彰往而勸來也否則何取於志獨是蕞爾斗邑藏書者少卽寒家亦無全史列傳可讀其人之在元明以前者雖各爲之傳而其家世後裔終未免於疎漏比余於甲申代庖黎庠乃得從李束鄉先生家借觀廿一史而後知編纂之所遺者不少也鏤板已就勢難補綴徒爲三歎而已不揣綿力欲集吾郡雲中自漢唐以來之人物而悉依史編列傳備錄之名曰一雲人物考以就正有道固有志而未逮焉

一忠孝節義最爲風兒之關吾邑若張兵備之死難與其子婦之守節久已膾炙久口余童時卽習聞之不有今日之舉何以克登琬瑛光垂奕世哉卷中所載見諸舊乘者有明三百年間止節婦五人我朝六十餘年已得七人是皆公論昭彰不可得而

湮沒然而所遺者已多矣若張兩公太學嘗爲余言昔年西關廂桑水瀑漲漂沒民居人皆裸體奔竄男女無別有婦人焉羣呼之不去獨正襟斂衽危坐樓頭甘心陷溺而死此庸非節烈者哉而奈其姓氏不可復識矣遂無憑以傳由此而推則志士仁人烈女貞媛之與草木同腐而湮沒無聞者不知凡幾故今編及人物尤不憚盡心訪求若僑徒若賤封若坊表若墳墓皆舊所不載今補之者蓋嘗考諸異地郡國之志皆有是數端敝邑何獨不然表前徽乃所以勵後賢也

一藝文卷中於舊本所載者仍備錄之而今所續梓欲求名公大人之作不可多得間出先曾大父及愚父子之筆者錄其二三此非敢曰纂次出余之手及剞劂之費出之余家者十之七八而遂以私意攘衆美也亦惟是言雖無文意或有取貽笑大方固所不免而傳諸梓里猶可爲後賢討論之助耳其大者若先曾大父蘭臺奏議久已登諸晉乘徵諸明史前輩所云持意重於河山存心朗如日月一讀一快者也況雲鎮兵荒一疏得請豁本鄉逋糧二千石則又邑之人所從食德於千秋而俎豆不忌者哉錄之適以愜輿情焉他如記傳銘表詩歌近體凡吾儕之所傳誦與所著撰

馬邑縣志

序

一

郵寄相訂第有關於斯邑之風景人物者並入集中罔敢或遺否則無捉徵求而不得故也仁人君子諒所共鑒

一志經數十年而一修如今者且百年而後修人以世傳事以日增先修者於楮板行間不留隙地後之人勢不得不毀舊更新剞劂工料之費雖勝地名邦亦弗免於沿門持鉢而入情異尙奢儉不齊一呼百諾料必不多得之數也賢令長之遭世不偶近或簿書叢脞之不遑而又其清俸無幾心與力違以是上下相沿悠忽歲月坐令老成彫謝文獻無徵者往往而然矣况彈丸貧瘠之區物力艱難較諸州邑有不啻什伯倍蓰者乎是編規模租其標目列欵每事各爲一條卽各餘棗梨半幅于捐篇之終以待後有作者不但案欵添註可無事乎從頭翻刻且得隨時補入自不至于年遠遺忌費不奢而事易舉最便之道也雖不敢云良工苦心然亦竊費鄙人之躊躇矣惟後之君子留意焉

邑人霍燦謹識

馬邑縣志目錄

卷之一

輿圖志

星野 占驗圖說

沿革

延袤

山川

形勝

城池

渠道

壇壝

橋梁

古蹟

八景

風俗

灾祥

賦役志

村堡 東北 西北

田賦 東北 西南 本縣

屯田

戶口

屯丁

徵收

舖舍

里甲

存留

馬政

課程

匠價

土產

起運

卷之二

官師志

名宦

職官 令

知事

巡警

巡官

公署 縣治

巡官

接官廳

馬邑縣志

目錄

一

學校 至聖廟 學田

社教 啓聖 諭宅祠

魁星樓

文昌祠 書籍

名宦祠 祭器

鄉賢祠 額

廟祀

人物志

先賢

選舉 進士 吏員

舉人 鄉耆

恩拔歲副優貢士

例貢

監生

行伍

僑徒

節婦

坊表

貲封

墓塚

卷之三

藝文上

記傳

奏疏

募引

詳呈

誌銘

祭文

卷之四

藝文下

序

箴

賦

詩歌

詞

續藝文

辯
詩賦歌

馬
邑
縣
志

目
錄


二

未黃鼎管窺一集乃有星野更變之議夫更變亦何易言也星之運行各有其度惟柳度無零數餘每多寡不一經緯之間廣狹以分晉天文志曰太原入東井二十九度唐天文志曰東井十一度自漢之河東及上黨太原盡西河之地設險以限秦晉上應天關又曰東井輿個鶉者也南曲之陰在晉地衆山之陽南曲之陽在秦地衆山之陰陰陽之氣並故與東井通河東河北及河曲皆東井之分而雲中不與馬史記白趙魏昂畢之分班固漢書自胃七度至畢十一度爲趙分屬冀州自危十六度至奎四度爲魏分屬并州考雲中爲禹貢冀州之域固屬并州而曆代皇輿考皆白大同星躔昂畢分野其云入東井一度者雲中肆太原太原入東井二十九度則雲中入東井一度非無所見而云然也乃星躔正度大同昂爲畢之分朔州同之馬邑距朔州僅四十里而星野從昂畢者其說近是要之天地甚大馬邑之于天地不啻毬之浮一粟于其中也于大同猶不及室之一隅耳一隅而測天地之無窮不綦難乎姑志之以候博雅君子細心考証云昂宿圖占說

馬邑縣志

卷之一 輿圖志

一



沿革論

縣始于秦在戰國爲趙之代地北魏與隋馬邑卽稱代郡邑之爲郡有二爲州有二城之移置有三陜南陜北分合有四考之輿圖猶能指數獨是爲郡爲州領縣三次越二千年十屬分隸雖詳加考訂終難吻合古之代郡在蔚州西盡平城北魏之代郡居馬邑北包新興定襄史有代人代北人記事者撮其大要如侯景者通志云代人梁書云懷朔人府志云馬邑人蓋邊地寥觀難爲分明也古有大同川在吳喇忒旗元置大同路爲今大同府唐有大同軍在灑水之陽附郭馬邑攷古者知此地形凡遇大同事實不徇名求合也一北魏改懷朔鎮爲朔州在吳喇忒北北齊徙朔州于馬邑在沙河新城地之相去三百餘里漢至北齊世之相後五百餘年漢有王黨周黨邑志云馬邑人通志云廣武人府志誤以爲朔郡人隋之馬邑領州領縣大業未爲定楊可汗竊據唐武德六年復朔州貞觀元年復馬邑三年置大同軍于豐樂城開元五年移馬邑縣於新平城移朔州於馬邑城邑之改朔州權輿於此朔與馬未嘗混而爲一也夫志乘之要莫先於地理攷地理猶當辨鄰封必明於古今之形勢而後名稱有所述必詳於郡

馬邑縣志

一

邑之變遷而後文獻有足徵郡之在馬邑地者七而北齊之廣安不與漢雁門郡治廣武今古城村後漢雁門郡治陰館卽魏之平齊郡隋改桑乾鎮也皆今之下館城與曹魏之新興郡南北相去四十餘里北魏改桑乾都爲代郡卽隋之馬邑郡地與唐大同軍東西相去四十餘里北魏之神武郡卽北齊之太平郡地今神武村也魏郡有四多先後之名惟馬邑神武戶不盈千而二郡分領此北魏多僑置之郡縣也新興郡領馬邑東至靈邱僑置也廣安郡領馬邑四越神池數年耳目唐改大同軍而此地不設郡焉漢縣之屬雁門者陜北有四曰陰館曰樓煩今寧武曰馬邑廣武爲郡治焉台縣之屬雁門者陜北有七曰崞曰繁峙曰涇陶今山陰曰後人正義云界在繁峙曰平原馬邑有東西二平原曰馬邑曰平城後劉琨徒樓煩於懷北徒繁峙陰館馬邑於陜南邑之分隸者丁而朔州四次漢屬雁門郡魏屬新興郡北齊屬廣安郡北周屬朔州隋開皇四年至大業初年屬朔州唐貞觀六年至開元十年屬朔州開元十一年屬大同軍遼屬雲州金屬順義軍朔州知元屬大同路明因之清雍正三年屬朔平府邑之領州縣者四北魏領四縣隋初領一州一鎮一縣大業初領四縣寰州領一縣晉劉琨徙五縣民於陜南地歸北魏豐榮

平城乃猗廬之新築也晉敬塘割十六州於山後仍名寰州廣武固州乃遼金之復設也劉琨之與也爲公敬塘之與也爲私六朝遷徙靡定邑之名見南兗州五季戰鬥時聞邑之地稱古戰場自石晉至宋淪沒者四百三十二年人物之生由金迄元特出者僅五六人元之混一也人民寥落千百頃之土田卒成汗萊明之有天下也扶衰拯弊六八里之殘黎半屬兵屯以後不遭兵革之慘稍享安樂之慶也雖北虜時常告警而地方禦戎有策明自中葉清兵入關侵擾馬邑僻處邊隅實受其福至崇禎末年吾邑饑饉薦臻戎馬生郊矣李闖賊率衆橫行邑之供應者有童子霍之瑄闖賊雖殘忍尙能越城而過清之興也睿親王大兵西指邑之奉迎者有賢宰徐明弼姜逆無干涉編爲順義之里從此不見外事而安於畎畝衣食上之恩德涵煦於數百年之深也明清兩代文教頗興士風亦蒸蒸日上蟬聯科第蔚起此都彈丸之地世有哲人若霍直指若張兵備若田閣學偏邑小邦人才與三晉頡頏焉何其盛也清高宗五十七年忽有裁縣併州之議至嘉慶二年而已覆水難收盛極而衰氣數使然耶

民國成立省議會以興滅之意請於上官越百餘年而設官分治吾邑之幸福抑民國

馬邑縣志

二

之幸福也

邑人冠英霍殿鼇再識

地理志 沿革

沿革 縣肇於秦遡沿革可自秦始以地理之書沿革乎漢也

秦始皇并天下分三十六郡始置縣屬雁門郡通鑑始皇三十二年遣將軍蒙恬北伐匈奴始建城旋築旋奔忽有馬馳走其旁周旋反覆父老異之依馬迹築之立就遂名曰馬邑三十六年分雁門郡置馬邑縣

舊志云屬雲中郡蓋指大同之雲中也秦之雲中郡在歸化城外大同地屬代郡雁門郡在今古城村不能舍近而屬遠漢雲中地在今河套內自唐始移而漸近

漢高帝六年為韓國屬太原郡後仍屬雁門郡

通鑑高帝六年以太原郡三十一縣為韓國徒韓王信王之都晉陽信以晉陽去塞遠請治馬邑許之九月匈奴寇邊圍馬邑韓王信叛與連和七年帝自將討信於代降下霍人前至武泉擊胡騎破之又以少子如意為代王代相陳豨反帝自將討之周勃道太原屠馬邑 見史記周勃世家傳 定雁門十七郡漢地理志雁門郡統十四縣有中陵樓煩善無陰館霍人馬邑崞繁峙平原平城淫陶廣武案中陵地近平魯河東記云

馬邑縣志

地理志 沿革 卷之一

一

始皇移樓煩郡治善無王莽曾改善無為陰館後漢徒治陰館而改善無屬定襄 今右

玉 正義云霍人即後人在繁峙界內晉以前與崞定襄皆在勾注山北寰宇記云陰

館故城在馬邑今名下關城崞繁峙在應州東渾源北皆桑乾水所經也平城今大同平原地形志廣武有東西二平原

漢馬邑仍屬雁門郡建安年屬新興郡

太平寰宇記

郡國志後漢雁門郡十四城縣治陰館 凡縣名先書者郡所治也 領縣有馬邑酈道元水經注灤

水東流經陰館縣西故樓煩鄉景帝後三年置漢末匈奴擾亂城邑荒蕪建安十三年立新興郡於太原北界以處塞下遺民陁嶺以北皆棄之

魏文帝七年馬邑仍屬雁門郡

黃初元年移雁門郡於陁南七年右中郎將招牽 字子經安平觀津人 出為雁門太守繕治陁

北故下關城郡所治廣武 今縣南下關城村 井水苦鹹民皆遠汲流水擔贖往返七里招望

地勢因山林之宜鑿源開渠注水城內民賴其益領縣八天安一年此地立為平齊

郡水經注謂之灤水平齊郡魏書崔道固傳謂在勾注山北故陰館城之西與酈注略同代州志云以山川地望考之則陰館故城當在今馬邑鄉東南雁門關北口之西去代州約七十里

案黃初元年移雁門郡南度勾注山則知前此雁門廣武在勾注山北矣文帝又移而北治下關城至明帝詔又移勾注山南自此不在勾注北矣代州志以兩漢之雁門廣武皆在陘南誤矣且下關城井水苦鹹所謂改邑不改井也若陘南之下關城絕無苦鹹之水

晉文帝分天下爲十九州仍置雁門郡領陘北之縣馬邑隸焉太和二年入於後魏

通鑑懷帝永嘉四年封猗廬於馬邑初猗廬以封邑去國懸遠乃率部落萬餘家自

雲中歸化城北入雁門徒劉琨求陘北之地琨欲琦以爲援乃移樓煩馬邑繁峙崞陰館

五縣民於陘南以其地與之北史云代公猗廬築成於桑乾之陽居焉曰豐樂城在縣

東南三里府置大同軍通鑑集覽愍帝元年代公猗廬城盛樂爲北都今歸化城故平城爲南都又

作新平城在縣西南五里唐置馬邑後唐襄州於灤水之陽使長子左賢王六修居之統領南部通

馬邑縣志

地理志 沿革 卷之一

二

志云灤水出大同府馬邑縣一十里洪濤山下桑乾河源也案新平城晉人曰小平

城見文獻通考北魏又稱南平城稱新以別舊稱小以別大也

考晉自永嘉末中原喪亂國土彫裂流民遠徙多成聚落爲僑置治郡縣之始其見於南宋州志者南兗州有雁門郡領樓煩陰館廣武崞馬邑五縣地在盱眙爲永和時所橋立元嘉中改屬南徐州大抵北人隨南渡者流寓木無定憩至劉宋時猶未

土著

北魏道武帝置桑乾郡孝文帝改稱代郡領縣四後分屬東魏府志云元郡桑乾郡卽漢定襄縣隋馬邑郡地領縣無明文案漢定襄今之平魯卽前漢之中陵縣據文獻通考定襄之名始於歸化城先移平魯又移勾注南猶雲中之徒平城朔州徒馬邑雲中朔州一徙也定襄再徙也 猗廬封代公傳國七世至珪稱帝號曰魏至孝

文遷洛更姓元寧武志引北史云北魏恒州領代郡凡四縣曰平城原注云都縣縣也案是不知有

南平城故加都縣以別之平城爲帝都其首縣必不遠屬於二百八十里之馬邑曰太平縣原注云今左雲縣地曰武周原注云卽溪

魯曰永固原注云今神池縣偏關議地也案恒州本恒安鎮孝文置恒州唐改北恒州又曰恒陽見朔

平府志
恒州注

且四縣居代之東西南北則北魏之馬邑稱代郡無疑孝文置代郡知桑乾郡在前也西漢之桑乾郡在今西寧府皆因何得名

北齊文宣帝纂東魏馬邑屬廣安郡

府志云天保六年復置朔州在今城南四十七里之新城八年徙馬邑置朔州北道行台卽今城置廣安郡領招遠縣朔州志云領廣安郡招遠縣案二志不符馬邑改朔州新城又置廣安郡馬邑無地可指通鑑高洋纂東魏二十八年至承光元年而北齊亡史於是年十二月書北齊范陽王高紹義至馬邑稱帝於北邊此時著無馬邑史當云至朔州不云至馬邑是北齊無廢馬邑之確證如果移州於馬邑馬邑又移何處如以一城而有朔州又置馬邑何以馬邑不隸朔州而遠屬廣安也由北齊以迄情唐朔馬事迹屢見史策全不濛混無一時合而爲一府志又云北周於馬邑置朔州總管府情初亦置總管馬邑移在何處後改馬邑郡領四縣此時之朔州又移在何處證之文獻通考蔚州志情初馬邑絕無置總管府一事馬邑如置朔州總管府新城卽無廣安郡不待開皇罷郡而知廣安郡不在新城也如果廣安郡在新

馬邑縣志

地理志 沿革卷之一

三

朔州總管府在馬邑北齊之太平郡確又神武州地望相去四五十里有一府二郡北齊多僑置亦不在情理中矣是因北齊書八年徙馬邑一語之含糊使府志朔志不符也朔志於高祖下注云北齊廣安郡地有紫河發源於此

文獻通考平
魯有紫河

又於

天德山下注云北齊廣安郡非州境也此可辨府志之惑凡縣先書者郡所治也招遠縣在州西八十里則廣安郡亦在州西無疑與馬邑屬廣安亦符廣安郡不在新城新城卽朔州也

總之北齊置朔州北道行臺仍東魏之舊在今五原縣通鑑謂之吳喇忒旗外八年徙馬邑始在馬邑之新城對吳喇忒旗言新城卽通志魏後不列北齊魏志則有北齊則宋兼列五代夫割據一時州郡紛易無關沿革之要通志勿列是也今沿舊志耳

隋文帝開皇初置代郡領州縣三年罷郡隸朔州 帝三年復置郡領縣恭帝義寧元年校尉劉武周殺太守王仁恭襲汾陽宮取宮人賂突厥突厥立劉武周爲定楊可汗潛號天興苑君璋又竊據其地

文獻通考隋初馬邑置郡領雲內縣恒安鉦不言領蔚州領蔚州者見蔚州志左雲縣古稱雲西卽雲內縣北魏恒安鎮北齊廢州爲鎮唐武德初改北恒州又曰恒陽今朔平府右玉縣地蔚州志云郡有五徒原注云西漢治桑乾東漢治高柳晉治古代後魏治平城隋初治馬邑案桑乾今直隸西寧府高柳大同陽縣馬邑今朔州平城今大同府古代今蔚州也縣四曰鄯陽東勝注云金河紫河水自馬邑郡鄯陽縣流入案情改善無爲鄯陽北近平魯西接紳池寧武府志云神池縣在隋爲鄯陽縣地曰神武卽神武州後魏置神武郡北齊太平郡北周廢隋改曰開陽寧武府志云今偏關神池馬邑郡之開陽縣地遼史云神武本隋縣因北齊僑置之神武郡政設縣有桑乾水則地又當是馬邑神武軍今州南之神武村去桑乾水遠馬邑稱代郡因開皇初領蔚州也

通鑑煬帝仁壽四年漢王諒舉兵晉陽大業三年朔州刺史楊義臣率詔往救夜出西陘與檢校代州總管李景合擊大破之案新城之朔州情以前未改也

唐高祖武德二年劉武周死苑君璋奔突厥高滿政以馬邑降唐高祖許以朔州總管已而突厥圍馬邑都士遠殺滿政以馬邑降突厥太宗貞觀元年突厥與和親五月苑

馬邑縣志

地理志沿革卷之一

四

君璋以馬邑降唐又置大同軍節度使玄宗開元五年析鄯陽東三十里置馬邑縣爲附郭德宗建中中河中節度使馬燧徙州治於馬邑後復故治

案劉武周苑君璋竊據馬邑先後一十一年割朔州者六年寰宇記云高祖武德元年置代州總管府領羈縻之州督代忻蔚三州六年督代忻蔚朔四州六年前朔州未隸唐也貞觀三年突厥頡利可汗入朝李靖率驍騎二千自馬邑進夜襲定襄破之分突厥地置縣

唐書云代州北有大同軍通志云朔州東析大同軍置領鄯陽馬邑二縣方輿紀要馬邑有大同軍本名大武軍調露二年曰神武軍天授二年曰平狄軍大足二年復更名西有天安軍唐書方鎮表僖宗二年更大同軍節度使爲雁門節度使開元五年移馬邑縣於新平城遂移朔州於馬邑城新城之朔州廢此馬邑改朔州始突厥傳武德五年代州總管李大恩上言馬邑可圖詔獨孤晟共擊之晟後約大恩不敢進屯朔州突厥與劉黑達共圍之大恩戰沒六年新城歸唐

舊志云馬邑屬大同郡通鑑貞觀元年分天下爲十道不設郡蓋以唐大同軍爲今

之大同郡朔州志云或爲馬邑郡領馬邑鄯陽二縣亦不知有大同軍領二縣也
後唐莊宗復置大同軍明宗天承三年陞馬邑爲寰州

石敬瑭事明宗總管大同等軍敬瑭求援於契丹父事耶律德光借兵滅唐立爲皇

帝幽薊云莫涿澶順新十六州以賂契丹歷漢及周論沒者四百三十二年軍城記於

河水故改馬邑爲寰州

宋太祖開寶三年命防禦使馬仁瑀略山後地太宗雍熙三年取寰州後復陷於契丹
徽宗宣和四年約金滅遼以其地歸宋置寧朔軍七年金人復奪

宋史三年正月田進重潘美自西陲入太和與契丹兵遇進追至寰州破之刺史趙

彥章以城降進圍朔州節度副使亦舉城降遂轉攻應雲皆克之五月曹彬與契丹
戰於岐溝關敗績契丹復陷寰州蔚州殺其守吏千餘

遼太祖仍置寰州領廣武縣隸雲州

舊志云遼罷寰州復爲馬邑縣案宋遼構兵在遼穆宗景宗之間去遼太宗已六十
年尚有寰州刺史趙彥章至遼聖宗景福年去遼太宗已一百二十年災異志云寰

馬邑縣志

地理志 沿革 卷之一

五

州地震則前此未改縣也朔州志引遼史云太宗於朔州置順義軍領鄯陽馬邑寧
遠三縣寧武志引遼史地理志云遼之朔州統州一曰武州二志與宋史不合聖宗
時又置廣武縣矣遼之竊據北方一百七八十年改寰州爲馬邑縣大約在興宗後
延禧前式微時事也聖宗前朔州統州一興宗後朔州領縣三此朔志寧武志與邑
志皆合朔州領馬邑非太宗時事遼史云武州神武縣魏志晉改新城

金太宗仍置馬邑縣至宣宗改築陞固州

邑有金天會年碑與廣武鄯陽俱隸朔州金史地理志云貞祐三年改馬邑爲固州
又云朔州郡陽縣有桑乾河太和嶺雁門關案此時鄯陽疑在鄯河村通志云金廣
武縣爲廣武舊站考金宣宗去太宗已九十餘年時寰州城圯於河水改築城於桑
乾河故曰固州卽今縣治

元世祖混一天下仍改爲馬邑縣改雲中爲大同路馬邑隸焉

文獻通考北魏道武帝自雲中徙都平城唐改爲雲中立雲中都督府平城之改
初改雲中爲開遠軍置代北雲朔招討使道宗清寧改雲內州遂爲西京金仍爲雲

內州元改大同路大英經世大典中田侍衛屯大同之平地朔州之馬邑一千人二千頃樞密院所轄

明太祖洪武七年改大同路爲大同府馬邑隸焉二十八年籍太原平陽民爲兵伍置衛屯田原設八里永樂十年併爲六里成化十八年併爲四里正統七年撥應州安中屯衛地置所立屯蓋元末荒亂地廣民稀縣設衛所以爲開墾計今邑民有軍籍皆屯田兵也洪武初原額官軍一千六百三十二名屯地一千六百八十頃

清世祖順治仍明之制馬邑屬大同府十六年裁衛歸州裁所併縣文宗雍正三年改玉林衛置朔平府馬邑改屬至睿宗嘉慶裁縣併朔州今一百一十餘年

民國成立復設縣隸太原省猶漢之并州刺史三十一縣也

疆域

縣境在朔平府南二百里

廣五十五里袤九十五里

東至本縣羅家庄四十里交山陰縣界至山陰縣城七十里

馬邑縣志

地理志 沿革 卷之一

六

西至本縣煙墩村一十五里交朔州界至朔州城四十里

南至本縣廣武驛五十里至雁門關交代州界八十里

北至本縣洪濤山一十五里至左雲縣城一百六十里

東南至代州城一百二十里

東北至懷仁縣城一百五十里

西南至寧武關一百二十里

西北至平魯縣城一百四十里

北小路至臘河口二十里至威遠城一百五十里至朔平城二百里至殺虎口二百二十里

南至太原省城四百六十里

東至北京城九百六十里

南小路至舊廣武城五十里自大和嶺口入至代州陽明堡一百里

山川

案蔡氏書傳云河北諸山其根本脊脈皆自代北寰武嵐憲諸州而來其脊以西之水則西流而入黃河其脊以東之水則東流而爲桑乾幽冀以入於海縣境之山以桑乾分南北南有句注北有洪濤而桑乾界其中記曰兩山之間必有大川言地防之所限也人物之生山川靈秀所鍾山有成局而形帶鬼水有清漣而氣帶臭者發富貴或可而正人不產馬邑彈丸地耳雁門峙前龍堆居後桑乾雖小泉甘而水温東達北京朝宗于海不偕江漢小臣能覲見天子也不附於諸侯自古名人輩出職此之由

一神頭山而名稱有五一桑乾水而名稱有六其見於經傳者說文云灤水出雁門陰館縣西北累頭山東流入海酈道元水經注云濕水出累頭山一曰治水源發於山側上下洪源七輪謂之桑乾水沿坡曆澗東流經陰館縣故城西北卽濛涇水也魏書道武帝如馬邑觀灤水注卽紫河出雁門補頭山師古注云灤灤濕三字同音水出雁門合而證之則古濕水音榻今灤水音累二音相通案補頭卽累頭亦曰雷山音之訛也一曰龍堆唐詩云馬邑龍堆路幾千據長安而言也且山以頭名者三山自

馬邑縣志

地理志 沿革卷之一

七

西向東層累而高圓如佛頭今稱神頭亦猶雷頭累頭補頭之方音耳

洪濤山在縣西北十五里高三里綿五十餘里與朔州元姬山相連上有六峯

案稱洪濤者因

臘河之波濤洪大得名昔以爲雷山神頭者殊混

雷山曰龍堆曰累頭曰補頭俗名神頭在縣北十里洪濤山側周圍數里下有七泉湧出卽灤水也西有桑乾廟元魏至今碑刻尙存

馬頭山在縣東北一十五里高三里盤距十餘里西連洪濤山上有三峯中峰最高形勢有似馬頭因以名山

紫金山在縣南五十里高二十里縣與筆架山鹿峰山相連東西俱接代州青峰瘦削高閣凌雲綿亘數十里相續不絕寺中有萬曆二年碑記云康有智隱居於此成道之後一人一驢不知所往俗傳有早種晚熟之地亦仙境也

鹿峯山在縣南六十里高二十餘里至八叉口村中澗而上陰陽向背皆似螺文進者自西南而南而東盤旋到頂則反子午焉地形前伸後縮廟貌粧點班斲睨而視之儼若町疇一鹿焉且對面高崗勢如奔鹿又見松柏交加宛然鹿角峰之得名以此人之建

寺於峯者亦以此或謂山爲代州有也不知在某地者爲某處山南接代州北近馬邑山猶有口當亦爲人辯治矣

雁門關山明所開之關也縣東南八十里兩山壁立中通一路宋楊將軍曾扼險於此關下廣武營卽馬邑界

太和嶺元以前之關也在縣南六十里一名惡陽嶺唐貞觀四年李靖率勁兵自馬邑進屯惡陽嶺

案唐以前之雁門皆指郡縣而言其關則謂之句注陁嶺陁口西陁卽太和嶺關名雁門者僅魏書禮志及劉沔傳再見而已自宋遼於此畫界猶設雁門縣元並裁倚郭之縣而關名獨著今人遂不知大朔寧三府之地於古皆爲雁門矣

北齊河清三年周師及突厥至并州帝親御戎軍容甚整突厥咎周人曰爾言齊亂故來伐之今齊人眼中亦有鐵何可當也乃還至陁嶺凍滑鋪毡以渡胡馬寥瘦膝下皆無毛比至長城死且盡乃截稍杖之以歸北史趙郡王高深傳

宋靖康二年金人劫欽宗帝后至代度太和嶺在句注之顛所謂陁嶺之險者

馬邑縣志

地理志 沿革卷之一

八

金貞祐二年副統李飛鵬提控太和嶺興定二年八月元木華黎帥步騎數萬自太和嶺徇河東

元大德五年興屯田於太和嶺之間分山陰雁門馬邑鄯陽洪濟金城寧武七屯元史食貨志

成宗九年四月甲辰樞密院臣言太和嶺屯田舊置屯儲總管府專督其程人給地五十畝歲輸糧三十石或他役不及耕作者悉如數征之人致重困

英宗至治二年五月大同路雁門屯田早屯朔州之馬邑一千人二千頃樞密院所轄致和元年八月指揮使幹都蠻將兵屯太和嶺

雙化嶺在縣西七十里界連朔州世傳有得道一僧圓寂於此洪濤峪在縣東北十五里北達左雲縣

臘河口在縣西北十五里去殺虎口二百一十里隋唐時突厥犯馬邑朝發夕至皆由此道明史世宗本紀嘉靖二十一年達韃吉囊掠朔州抵廣武由太原南下汾沁皆殘破復從忻崞代而北入玉林衛三十九年九月俺答犯朔州廣武蓋此道明以前爲南北通衢矣

桑乾河發源於縣境洪濤山下黃道泉金龍池二水合流夏則喇河口洪水來會經縣之西南東三面朔州之恢河亦入案水經注其河源自太原汾陽燕京山天池伏流至朔州馬邑雷山之陽匯爲七泉曰上泉曰玉泉曰三泉曰司馬洪濤曰金龍池曰小蘆曰小蒲七泉合而爲一是爲桑乾河及雁門關之常溪水壓水自南而北者悉歸之過山陰應州卽渾竭水自東來又沿弘州之襄山至順聖則葫蘆河水注之經廣靈靈仙安定而西以至灤陽之楊河懷來之瀉河又滑石之水自東北來者及山西東流之水皆合是爲合河至宛平縣分而爲二一從葫蘆溝橋東流爲永定河東南入海一從金口絡都城東合白河入海

恢河一曰渾河在南五里發源寧武山口北流經紅崖村伏流十五里至塔底村復出由朔州界東南流而里折入桑乾河令流而東

黃水河在縣二十縣

鄴河在縣東三十里

泥河在縣東四十里

馬邑縣志

地理志 沿革 卷之一

九

灤水卽桑乾之源也漢書謂之治水水經注謂之溱洧水又謂之濕水

黃道泉在洪濤山下其水淵深俗傳與寧武天池水脈相通昔有人乘車遇風飄墜池中後獲車輪於桑乾源北魏孝文帝以金珠穿七魚放池中後於桑乾得所穿魚又以金縷箭射池之巨鯨亦於桑乾得所射之箭隨開皇中建祠池上禱雨輒應在今靜樂縣界

金龍池在縣西北數里其水一望濼洄波湧天際北魏時池有二龍時化爲馬一驪一黃遇天陰晦輒出民間牝馬遇之生駒神駿或有角如鹿茸然唐尉遲敬德收而乘之馬奔欲入池公抱池邊柳挽之柳紋爲之旋轉其跡尙存今池南有鄂國公忠武祠與池北崔鄭國公忠肅故宅相對俗傳池與懷仁縣金龍山泉水相通

小蒲泉卽小泊泉在縣西北五里其水淵深源出不竭周圍蒲葦茂盛村之得名以此細蘆灣泉在縣西北與金龍池水實同一脈俗傳有龍相戲於此又曰戲龍灣

玉泉上建龍王廟旱禱多應

三泉一在縣南五十里俱平地湧出澄清不濁隆冬甚寒亦不結凍

常谿水卽雁門川漢韓安國曰孝文帝嘗擁天下之精兵聚於廣武之常谿郡國志雁門有常谿水案太和嶺北名曰草口古之雁門川也

溫水亦曰溫湯通鑑在大同府大同縣西南水經注桑乾城西有溫湯卽此北齊楊愔嘗就雁門溫湯泉療疾常爽設館於溫水之右

交河恢河桑乾合流處唐太宗飲長城窟行交河冰已結宋楊將軍兵敗潘美軍士緣交河行西南二十里

馬跑泉在舊廣武西南山上俗傳馬跑石上出泉圓徑尺許其水不流天大旱亦不涸足供數人之飲是亦奇觀俗傳李三娘担水於此時代無稽

形勝

舊誌曰東護雲中西擁朔郡洪濤山層障於後雁門關疊峙於前河出桑乾遶九曲而南渡流接恢水障百川而東之誠爲北邊鎖鑰然嚴保甲謹斥埃慎封守勤偵探又責任守禦者焉

舊史氏曰東鞏宣雲西控寧朔南捍忻代北拱平坪洪濤屏翰於後紫金保障於

馬邑縣志

地理志 沿革卷之一

一

前河出龍池滾滾煙波繞九曲山聳雁岫層層雉堞鎖千尋雖彈丸黑子之封亦扼險制勝之地籌邊固圉者慎勿以僻小而忽視之庶幾關外金湯確乎塞上砥柱

城池

秦

始皇帝時建土城周圍九里有餘相傳初建時屢築不就因馬蹄跡築之此古馬邑城詳見沿革中

金今縣城太宗初築周圍三百七十五丈

明

洪武甲辰守朔指揮孫昭奉命更築宣德九年展築北城之半以居所官屯丁自櫓臺與縣治後墻而北正統二年武安侯鄭亨展拓其基隆慶六年巡撫大同都御史劉公應箕巡按宣大御史劉公良弼會疏以築邊城上請報可乃命知縣岳公汴守備時公爾直分督厥工經始於隆慶六年三月落成於萬曆元年八月四

面皆以石爲基高五尺上用磚砌高三丈四尺女牆高六尺周圍共七百四十丈角樓四座四而鋪舍各三座東西二門各有重樓月城二座甕城二座壕牆敵臺以棹其外詳見修城碑記中

清

康熙二十二年癸亥冬十月地震非常東城半面與四圍女牆一概搖倒當民窮財盡之秋修復甚難邑紳中書霍公之瑄慨然念之走字商於侍郎田公喜霽各捐已資數百金邑人稍有力者亦各勉輸助霍公乃約戚友中之老成練達者數輩日於城頭親督工匠始乙丑夏終丙寅春補修城墻垛口完好如故不擾鄉間貧民一夫一錢而大工以集惟樓櫓舖舍以力絀而止

舊史氏曰邑城當磚包之後門樓更舖一時鼎建巍然煥然非所稱雲西保障哉及歷年既久而加以癸亥地震之所撼損自不復舊日壯觀矣乙丑之修僅得補砌垣梁門樓更舖絀於力然而物料木植固猶存也乃今未幾而蕩然一空棟椽戶板非戍卒之竊投爨下郎猾胥之取用他所噫非徒無益而又害之有官守

馬邑縣志

卷之一 輿圖志

一一

者謂之何歟是則庀材鳩工固有需乎歲和年稔而修廢舉墜尤重望之仁人君子云

康熙四十一年壬午春西甕城頽知縣秦公擴捐俸倡修故紳中書霍公妻盧孺人復脫簪珥助之命第三子監生霍焯董其役焉

壇壝

社稷壇

在西門外迤北有司歲以春秋仲月上戊日致祭

風雲雷雨境內山川壇

在城南大河南岸有司歲以春秋仲月上戊日致祭配以本縣城隍之神

先農壇在東關外

厲壇

在城北有司歲以清明中元及十日朔日致祭主以本縣城隍之神

橋梁

石橋

在東門外久廢

吊橋

東西二門俱有之然不成規制

桑乾河橋

春冬暫設夏秋水漲卽澈舊本官司掌之後久廢民乃病涉康熙丁巳待封張公志詠糾衆募建大橋一座至今雖木植間有損壞散失而後之善信曆年以來得以募修增補作普濟之慈航者皆公首倡之力也有碑記見藝文中

恢河橋

河水入冬卽凍至於春冰開合之際往往陷溺人畜壅魚腹中舊時亦有小橋然不堪負重水塊激流而下橋爲撞損人尙可問渡乎康熙三十七年春介休商人郝光辰首倡捐二十金鄉民鄧英張有福輩廣募於衆西路同知唐公凱偶經過本縣慨捐十金於是購來木料建橋與桑乾河橋同利濟之功實嘉賴之然欲圖

馬邑縣志

卷之一 輿圖志

一一一

久遠尤須請究云

黃水河橋

滋潤河橋

霍家營橋

以上三橋俱其鄉之人量時募建舉廢不常

古蹟

長城在城外西南土邱蔓延直達朔州神地口父老傳謂秦始皇所築以禦邊者係內邊有飲馬長城窟

今縣城 金固州城金宣宗時築

古馬邑城 北魏稱桑乾郡 代郡 隋馬邑郡 唐改今朔州

案元右丞孛羅帖木爾鎮朔州因兵少城空改築東南一隅土功甫就而元亡至明永樂初功始完今稱西北隅爲古城府志以西北隅爲秦馬邑縣地北齊廣安郡招遠縣地隋之鄯陽縣地天隋之馬邑郡鄯陽縣爲附郭本在一城特所管之地北近

平魯西接神池時未改築不分東隅西隅朔州志於北齊沿革下明革言廣安郡領招遠縣在州西八十里不在古城西北隅矣

凌靡縣城漢以前也今無考通鑑集覽注云灑水出雁門凌靡縣一通志云灑水出大同府馬邑縣西北一十里洪濤山下

唐大同軍城 卽北魏豐樂城 在縣東南三里桑乾河南岸北史云 代公築城於桑乾之陽居焉名豐樂城

後唐寰州城 北魏置新平縣城 唐改馬邑縣城 在縣西南五里廢址猶存考明戶耕三平城考謂古平城有三一在大同漢祖所登者一新平城代猗盧築一曰小平城亦古城秦秦蒙驚之所拔夫史記明云蒙明拔孟狼新城等二十七城定太原郡絕無小平城者以新城爲卽小平城蓋諸家之誤樂氏括地志亦勿能辨而承其說耕遂謂爲信然不知拓跋氏築新平城晉人謂之小平城是不一也魏志有兩平城而訊耕所論之失則又不然古固有小平城其一隋置屬太原郡耕特未之知也雁門廢縣城 在縣東南四十五里通志云纍頭山在雁門廢縣西北六十里今古城

馬邑縣志

卷之一 輿圖志

一三

村前漢之廢縣也隱士王霸故里

下關城 前漢陰館縣城 後漢雁門郡治 魏平齊郡城 隋改桑乾鎮 又曰下

關城 在縣南四十五里有土堡今名趙家新庄者堡東有城周八里基址尙存漢書景帝後三年築想其命名之義蓋在關之下以下關名城云寰宇記云陰館故城今名下關城前漢爲雁門屬絲後漢爲雁門郡治魏天安二年改置平齊郡崔道固傳謂在句注山北故陰館城之西水經注灑水東北流經陰館縣謂之灑水平齊郡

新興郡城 晉改新昌城 在縣東四十里與山陰代州界太平寰宇記後漢書云建安二年曹操立新興郡于太原北界居塞下遺民陁嶺以北皆棄之此僑置之始至晉盧諶就漢新興郡改新昌遷五縣之民實之撥牛馬萬餘開荒種地案北方之新興郡有三一在石嶺關南北漢劉聰築一在廣平府北燕慕容築

舊廣武城 在縣南五十里磚包今尙完固古城村前漢之廣武今廢此廣武遼金之縣也金地理志西京道云貞祐三年七月割朔州之廣武隸代州明洪武中於東開大關別置廣武營建雁門守禦所土人名新廣武而以金故縣爲舊廣武

樓煩城在 縣西南三十里廢址猶存寰宇記引河東記云秦始皇十三年移數煩郡於善無縣今在句注山北通志云漢景帝改樓煩鄉爲陰館地在朔州

寰州寺在縣西南五里久廢止存石香亭柱刻乾統二年寺中僧人二百餘名共四百餘字晚霞落照憑吊者取焉

桑乾鎮 隋書王智辨討劉武周圍桑乾鎮陳孝意傳云戰於下關城代州志云下關卽桑乾鎮

安樂鎮 渾河川案恢河亦曰渾河唐大順初幽州帥李匡威引蕃漢兵攻雁門北鄙遮虜軍李克用遣李存信等擊之營於恢河川之田村戰於安樂鎮幽州兵皆潰

白楊門 通鑑明太祖二年八月李文忠出雁門敗元遊兵於馬邑擒其平章劉特穆爾進至白楊門

注在朔州府馬邑縣北

天雨雪已駐營文忠引數騎入山觀察疑有伏遽令移前五里阻水自固元兵果乘夜來劫文忠令堅壁不動質明敵大至以二營委之珠死戰度敵疲乃出精兵左右奮敵大破之擒其將圖魯卜俘戮萬餘人宋楊將軍進戰亦至馬邑白楊門

馬邑縣志

卷之一 輿圖志

一四

余都谷 舊志云金主執遼延禧處案宣和二年遼都統耶律余都舊作伊都叛降金則余都本人名非谷名六年遼延禧至武州與金人戰敗走山陰七年正月金兵逼遼主遺璽於桑乾河遂入來山欲奔黨項二月至應州金將洛索獲之以歸今不知谷所在或因余都至而有是名耶

漢武帝元光二年將軍王恢將兵三十萬衆匿馬邑傍谷中今亦不知所在蓋邑之南北多高山深澗可屯衆兵

和戎里在縣西七里有唐張宗諫墓清光緒十五年里陷一穴內有志銘一石云張宗諫字伯謙河南修武人也晉司徒華公九世孫缺 祖爲憲府間俗平城遂爲馬邑

也缺 父缺

運糧河缺

時衝炎熱缺

葬於軍城西北隅五里馬邑縣缺

鄉缺

和戎里

天祐十三年

共三百餘字餘皆忘記

銀洞溝在縣南六十里馬邑糧地溝中之石有色微紅者上有白銀一縷聞西人取石于他處冶之本村人不知也洞深數丈

神婆遺跡在雷頭山頂俗傳有神嫗携子遊山上留跡於此手足及梳篦皆印石八寸

許

古峯台在莊頭村台高四丈中空可容百人厥土堅實

古戰場在縣東泥河榆林之間營壘故迹猶可彷彿清康熙三十六年二月二十一日車駕西征卽於此駐蹕焉

青塚在縣西南三十里闊四五畝高三丈餘俗傳漢王昭君墓考明妃塚在豐州茲其訛傳云

櫓台在城內西北隅高四丈餘父老傳謂李衛公所築以觀星者又形家者言桑乾水環流城如舟形此爲櫓也元人建眞武廟于其頂張調元構精舍一間于其後田侍郎爲孝廉時讀書其中與學博九霄高公中書韞齋霍公文學懷潤陸公諸先輩結筆山社以課文

有隆慶六年碑記

馬跳莊在城北十里舊傳鄂國公於金龍池得馬乘之至此馬復跳躍又策而東至西河底村溝橫列馬一躍而過者因名三跳澗

元鄭國公故宅在司馬泊村相傳崔斌崔或之故里宅門石獅至今猶存村之始建卽

馬邑縣志

卷之一 輿圖志

一五

以崔之得名今村民崔氏其二公之後歟

文明塔在城東南三里舊有軍城之士阜明萬歷三十六年知縣宋公子質因舊阜增築尖其頂以肖筆形公精青鳥家術謂桑乾水一洩而東靈氣不聚須此挽之此爲筆桑乾河爲池用以鎮水口而啟文明故又名筆峯年久十頽康熙四十年知縣泰公擴下車之始深慨地方凋殘人文寥落急捐俸補築之

灑南宮通志云北史後魏天興二年幸南平城規度灑南面夏屋山背黃瓜堆以建新邑

黃糧堆本黃瓜堆俗名亂塚在廣武站村北砂土二百餘堆西起舊廣武東至夏屋由密而疏大小相間布置有方高者可五丈低亦七八尺父老相傳宋楊將軍覆米其上詐爲積貯以愚敵人者堆不自宋始也昔人有詩云聚米成山徑路斜風吹遍地起黃沙而此堆獨歷年久遠不爲大風洪水所剝削亦異徵也

莫壁谷隋書大業六年雁門人尉文通聚衆二千保于莫壁谷案開皇十六年改廣武爲雁門縣

六郎寨一曰六郎城在太和嶺北口土山上宋楊將軍屯兵之所與廣武城爲奇角之勢

長城窟今不知所在

吳佑庄山麓有石表刻云鳩茲吏隱氏題爲侍兒高氏立不著姓名年月鳩茲江蘇蕪胡縣也

紫金山口內山之陰石壁大書雁門二字每字方二尺體勢頗古

學署有碑刻龍門二字體勢相連長三尺五寸寬一尺三寸

此砥礪之石刻也天矯蟠屈若舞遊龍山陰金公一鳳於守克時摹勒學宮邑庠張君東仁遊學東魯榻而藏之念龍門爲科第嘉應囑乃侄候選學博君宣勒石以公同好持榻而商之於余余曰善爰筆誌之以爲後啟者登龍門之兆云

乾隆二十四年四月穀旦馬邑縣訓導陽直李毓麟摹立

八景

洪濤雨霽

馬邑縣志

卷之一 輿圖志

一六

洪濤山名也卽俗稱神頭山有神婆遺跡者是在縣北十里每遇積雨新霽嵐光掩映泉流潺湲有燕子來時綠水人家曉之趣

前進士邑人武文詩曰防佛巫峯插太清行雲行雨互陰晴雨餘粧點芳園媚月換融光寶鏡明西子新粧烏髻縮南威初盡翠眉橫凭高遙送元龍目一派襟懷萬古情邑侯關中任澄清詩曰洪水發源清脉通天乙精百泉山一出派地中行古廟雲長鎖孤峯雨乍晴登臨情不已緩步到西城御史邑人霍瑛和詩曰山水自繞清蒙泉更吐精乾龍乘脉豈野馬逐波行幽肖徧宜嘯登臨最喜晴陽春况有脚早已布邊城邑人後學霍燦詩曰青山到處足怡情漫徹太清藉問神嫗留跡後至今閱曆幾陰晴

玉泉秋聲

在雁門山西隅一泓澄澈清冷之趣可滌塵襟每至秋高天朗氣爽山色泉聲令人動潘岳宋玉之思焉恨少雄才以賦秋聲

前進士邑人武文詩曰直上波濤三尺高飛來點點落瓊瑤清風帶兩思瀟颯白電連山影動搖麟屋龍樓驚霹靂貝官朱館問笙簫翻思往昔朝眞者羽珮琳現颺王颺邑人後學霍詩曰不俟西風大火流雁門關外早成秋一泉冷趣誰會問萬壑驚濤我獨愁霹靂山頭驚鬼魅潺湲澗底憂琳球伊人宛在今何在秋水蒹葭歎白頭

雁門從秀

在縣東南峯巒疊翠雖茂林修竹邊寒不產而一帶嵐光隱隱望之如列畫屏

前進

士邑人武文詩曰少昊行秋紫塞涼雨餘頓跋雁山光虎幟旗濃墨染石壁樓
臺淡粉粧紅葉飽霜揮覺醉黃花笑口欲飄香此時邊將凭欄日五色雲飛遠帝
鄉層邑人後學霍景詩曰戀盡疊翠接星辰閱外何曾後野人設險猶傳輿地誌
皇圖鞏固萬年春

古寰落照

舊有寰州寺久廢今遺址在恢河南岸其地平坦曠衍至日將落時霞光滿地爛

然奪目宿鳥投林與落霞影相上下亦幽興之可寄者

前進士邑人武支時曰浮屠千尺插窮蒼倒影婆娑

射遠岡列草參差橫朔野落霞來往際燕鄉牛羊促地歸荒徑鵝鵲翻空下碧
塘猶有二三僧住寺數聲鐘磬掩昏黃邑人後學霍燦詩曰古剎荒丘傍晚風
水聲山色有無中岸旁躑躅牛羊道河畔翹叢鳥雀蒙榆際落黃穿社北城頭飛
赤射橋東黃昏不見僧歸院何處鳴鐘驚夜鴻

櫓臺遠眺

在城內西北隅高出雉堞丈餘登臨四望山光水色與百里煙火俱在眉睫間自

下而上凡數層重樓複閣曲逕通幽令人心曠神怡飄然欲仙倘所云空中樓閣

匪耶前進士邑人武文時曰李晴行踪世已體危樓猶可縱明眸青林隱顯長城

幾度興亡嘆白頭前容城令東牟王德新詩曰舊築高臺不記年築臺人去斗
星間空與樓閣烟雲裏常見關山朔漠間往事不須增感慨清時動喜足躋攀衢

馬邑縣志

卷之一 輿圖志

一七

公勳業俱湮沒只此遺踪任古寰邑侯東牟王日新詩曰高臺百尺倚青窮登
跳翩翮眼界空遠近峯總環足底縱橫斗宿列懷中波濤夜見龍池月樓閣秋便
雁塞風造化看來原在我願將丹拉起疲癯邑人後學霍燦詩曰登高只此野
樞衣複閣層樓傍紫薇一帶雲山還北向幾行鷗鷺望南飛山村寥廓人煙少野
戍蒼茫塞草肥極目長城窮萬里朔風浙浙再霏霏

龍池夜月

水圍寺已廢惟鄂廟存焉前輩張浩然孝廉元善長明經陸懷潤茂才皆讀書其中

卽司馬泊之金龍池也池之西北舊有水圍禪院扁曰水月如來四圍皆水中搆

蘭若迴廊曲榭爲遊覽勝地每至夜月出東山徘徊於斗牛之間影落池中光搖

檻外令人逸興遄飛霍韻衢先生被魏璫讒削時陰居林泉嘗乘夜汎舟於此

士邑人武文時曰龍沼問遭遠綠蕪星稀雲靜月平鋪分明塞北初懸鏡彷彿江
南小樣湖梵宇波涵沉影壁水晶盤捧夜光珠鄂公汗馬功勞大贏取凌煙古畫
圖御史吳禮嘉詩曰一池深碧自何年見說神龍向此卷願化雄鳴雙寶劍橫
飛朔漠淨三邊參政周于德詩曰野闊平池漾碧空桑乾一派近相通蕭條蒲
柳新霜露寂寞魚龍舊諸宮秋老雁關明漢月田連馬邑盡堯封好將滿地深
水興作編氓灌漑功邑人後學霍燦詩曰澄潭曜出玉驄驕忠武英名萬古標
嚴毀壞從月明何處訪僧寮徐搖憂讒柱史藏舟楫避地文人遠市醮一自莊

知府劉士銘宛平人

龍馬曾聞躍此池當年神駿尙堪思鱗鱗細甲風倚藻隱隱蔥花柳拂抵春煖潑迴光

綠塞月明映帶鄂公祠臨流几度慚可潤永矢臣心對此時

桑乾冬煖

桑乾河名也發源於喇河口西北至洪濤山黃道泉與金龍池二水合流至邑之西而南而東至鄆河三十里下流漸緩遇冬則沍結成冰其自鄆河以西至邑之西郭而北至於發源之處雖隆冬盛寒從不結凍每當冬月煖氣沸蒸煙霧蔽空有如瑞雲層層繚繞於郊原之內或自東而凍至於城東十里之河沿曠則來歲必荒占之屢驗故諺有大河凍到河沿曠項餓得長連顛之謠

前進士邑人成文詩曰雲樹蒼

蒼拂曙霞渡頭人喚渡頭家斷橋流水搖紅影寒雪飛空落鬢華驚散鷺鷥魚父棹吹殘星夜戍樓筋山光隱隱朝曦上已映灘前紅蓼花 邑人後學霍燦詩曰浪拍長空不暫收滔滔直瀉到蘆溝朝宗自合歸京國利涉還須問渡頭蛟窟萍穿飄地錦龍池月映墜天毯狂瀾那是中流柱贏得鄉思望并州。

桑乾冬煖雍正年知府劉士銘

桑乾名在水經收喜得逢源冀北流波撼黃沙澄紫寒勢蟠恒岳人蘆溝曉光浴日蛟冰裂晚色運雲鳥色浮舊是羣雄百戰地時清濁浪自悠悠

神坡古寺

馬邑縣志

卷之一 輿圖志

一八

在縣南四十里遠隔城市深穩煙霞亦幽勝之區今廢毀無踪鐘聲佛號概已歸

空矣

前進士邑人武文前曰古襄南上詩金山山畔紳坡古寺間落盡丹青閣聖

不堪文字染苔斑 邑人後學霍燦詩曰鐘磬曾聞然上方縣南蘭苦久荒唐神

風俗

舊誌曰本縣界在雲朔肘腋燕都風聲漸被彬彬興於禮教矣但民性渾樸惟事耕耘飲食衣服多尚簡易至於慷慨輕生剛毅任俠信鬼好祈猶不免西晉之故俗云

舊史氏曰風以代降俗緣世易吾邑若舊誌所稱民性渾樸斯太古之遺風也惟事耕耘其務本也勤也飲食衣服多尚簡易其儉也慷慨輕生剛毅任俠猶不失丈夫氣激之所為也信鬼好祈亦不過愚夫愚婦惑師巫之言用禳疾病若所云燒香號佛淫祀左道者概未之見耳求其俗之稍存古道而不失醇良者則惟歲時伏臘二三戚友猶以盃酒相往來無論紳士庶民事長令陪貳惟謹從不敢以

告訐犯長上婚姻喪葬量視其家衣食節序延襲其舊因歷述之而並詳其歲令於後以補舊誌之所不及載者云

歲令

立春

前一官司具春花雜綵張樂率農夫執犁具迎芒神土牛於東郊設壇於縣治二門外傾立春時至祭之官員各執杖環牛而擊者三所以鞭土膏使之動送寒氣而迎歲時勸農之始也舊有公費載在經制其日設宴於公堂邀紳士同觀撥演俳優樂籍男女雜陳自公費裁而樂籍亦凋凌無人宴遂廢不舉但於次日送春牛

元旦

夙興燎火於院設香斗陳牲醴焚楮幣拜神祀先長幼以次稱壽親戚隣里更相拜賀火於院設香斗陳牲醴焚楮幣拜神祀先長幼以次稱壽親戚隣里更

上元

張燈於大門外疊土為臺架炭其上而燃之間有作烟花火樹以供神廟者武職衙門於是夜舉放火砲祭火神

天倉

拾遺記以正月二十日為天倉凡倉廩皆照燈又炭灰羅布地上作大小圈補天漏俗以是日為天倉凡倉廩皆照燈又炭灰羅布地上作大小圈

二月二日

宛署記都人呼是日為龍抬頭今俗稱同之

寒食

去冬一月及周東遷并州刺史見民間不烟燹歲多是也原本晉俗哀子推之死焚火一月及周東遷并州刺史見民間不烟燹歲多是也原本晉俗哀子推之死

馬邑縣志

卷之一 輿圖志

四月八日

於崇恩寺浴俗

三月三日

於櫓台上建醮設齋祀

端陽

俗稱端午插艾食角黍飲雄黃酒多有

六月六日

廣記云六日曝衣曬書圖畫取太陽之光盡日

七夕

穿針乞巧始於柱陽武丁唐開元天寶間宮中競尚此

中元

冥也家家攜酒脯之祭先隴如清明以下有司舉作孩提狀曰麪人互饋親戚

中秋

是夜玩月以麥麪爐餅日餅視常用

重陽

九為數日月並應故曰重陽菊花糕

下元

鬼節氏遺書云十月一日拜墓之感霜露也夢筆錄云燒獻祝先即送寒衣也

冬至 孝經說履長之賀士大夫祀祖

臘八 臘凡四十日而以十二月之八日為勝俗於前夜煮諸豆

祀竈 歲時記臘月二十四日為交年節夢筆錄交年日以酒盃供竈門謂之醉司命

除夕 舊前日送竈君上天自二十四日設酒菓香楮迎新竈君

元月十日朔 元月十日朔 元月十日朔 元月十日朔

災異 當列之災異志

侯景 當列之災異志

梁簡文之生誌公謂武帝此子與冤家同年生其年侯景生於雁門梁亂誅蕭氏略

盡朝野僉載梁書侯景傳侯景懷朔人或曰雁門馬邑人天監中沙門釋實誌曰握

小兒果攘臂太極殿前作虎視狗子景小字山家小兒猴狀景覆都邑毒

南齊主東昏侯以取其位誅殺甚衆東昏侯死之日侯景生焉後梁亂破建業武帝

餓而終簡文幽而壓死誅梁子弟畧無子遺時人謂景是東昏之後身也

馬邑縣志

卷之一 輿圖志

二

右情四人舊志劉武周苑君璋不入祀鄉賢

雜記

戰國 周繆王五年代地震圻長數里橫一百三十步壞民屋

魏太和二年護烏桓校尉田豫出塞為軻比能圍於馬邑城雁門太守牽招勒兵赴救

軍到平城寇宵潰散比能復大合騎來平州塞北招潛行撲討大斬首級魏志

晉咸寧五年閏七月雨雹傷稼

元康五年九月雁門馬邑大風損禾明年氏羗叛十月青虫食禾葉殆盡

永興二年封拓跋猗盧為代公琨乃徒馬邑樓煩陰館 五縣民于陘南以其地與之

後魏皇始元年八月大舉討慕容寶帝親勒六軍四十餘萬南出馬邑踰句注旌旗絡

繹二千餘里鼓行而前人屋皆震魏書太祖紀

大業四年八月壬辰雁門賊尉文通聚衆三千保於莫壁谷遺楊伯昫擊破之

唐武德四年帝問劉世讓以備邊策

于是讓至馬邑高滿政以城降突厥患之

八年頡利與代州都督蘭暮戰新城即朔州沙河暮敗績攻廣武爲任城王道宗所破突厥傳

天寶十四載安祿山反詔朔方節度使郭子儀率本軍東討子儀遂收雲中馬邑開東

陁引軍下井陘唐書郭子儀傳

大中三年十月辛巳地震有聲壞民廬舍

元佑七年十月庚戌地震 淳化三年七月桑乾水溢

至治二年五月大同路雁門屯田旱損麥英宗本紀

成宗大德三年加封三大王號

明洪武 偏將軍李文忠出雁門次馬邑敗元游兵擒平章劉帖木李文忠傳

弘治十四年縣西有火塊自天而墜有聲如雷入地三尺化爲青石

萬歷三年七月水災 十一年三月地震 二十六年四月大風麥無苗六月大水壞

民屋宇二十七年秋大有 三十三年五月十五日十七日十九日三日大雨震電壞

民屋禾苗皆沒 三十五年十二月地震有聲先是南鄉大水禾皆漂沒 三十六年

秋大熟嘉穀一莖七穗 三十八年春大饑 三十九年歲大有 崇禎五年清天聰總

馬邑縣志

卷之一 輿圖志

一一一

兵曹變蛟敗清兵於廣武 崇禎七年七月清兵至廣武九年八月清兵過境由朔州

毀寧武關人略代忻崞聖武記天聰八年 十二年大饑斗米銀八錢 十七年疫大作七月李

自成過境

三月二十三日闖賊前鋒至縣盡拘縣鄉紳囚之首列餉簿者霍韞齋時年十八歲矣

次日賊黨夾訊諸紳拷掠之酷有幾死而復甦生者賊命引霍韞齋前指諸紳示之曰

孺子其不懼此乎不則盡爾家藏與我也對曰余生也晚何能豫知家藏第盡搜括之

斯已耳勿驚吾祖母爲也其祖母驚聞賊言逐罄家之所藏而盡畀諸賊是晚闖寇自

朔起行逼近城千萬馬奔嘶之聲如怒濤澎湃徹夜不絕于耳魂搖搖其未定也天將

曉闖寇繞城而過方命釋霍韞齋等去賊委一令一部總二塘馬駐城中令與部總居

公衙塘馬居霍氏宅衣服飲食朝夕事之惟謹稍不如意而叱辱隨之矣其令與部總

之成脇又無容言者夏四日終闖寇以敗聞居人綁縛塘馬二人于大同始稍稍安枕

云霍氏家譜

李逆過境田大豐爲鄉祭酒罵賊不屈死見馬世俊撰墓志銘

清順治四年歲饑

六年己丑大同姜瓖叛朔州軍應之王師西征縣令徐明府迎謁邑無侵擾 大饑疫作 康熙三年潦大水民飢陽和道曹公韓溶詳請蠲賑後道缺裁歸時民攀臥流而送之

十一年十月雷有聲 秋七月桃李復花

十八年田鼠食禾苗形與倉鼠同而渺小精怪遍生田野道旁穴纍纍人過之則翹足而立食夏秋禾苗無數至三十年以後始滅 十九年旱歲大饑

二十二年十月地震壞民廬舍搖塌東城牆半面 二十八年大旱經年不雨粒穀不登

三十二年夏旱秋大水穀不登

雍正元秋大有年 九年二年初六日午時未刻五彩霞光遶日三匝歷未申猶隱隱焉

嘉慶二年巡撫將兆奎裁馬邑縣併朔州道巡檢司

馬邑縣志

卷之一 輿圖志

一一一

道光十二年旱蝗 十六年七月霜人多餓死道光二十年裁巡檢司

咸豐二年大熟三年斗粟錢三十文 三年長變匪紅秀全建都南京十餘年始滅

同治十年七月二十四大雨連十日房屋塌者十八九

光緒二年大旱三年大旱四年春夏斗粟銀一兩人死被野 四年大熟 六月西南

鄉高升庄一帶水災夏秋禾稼皆傷 十八年壬辰五月前旱後大雨汾河水溢淹沒

十餘村十九年春大飢人多死二十二年正月地震六月桑乾河溢四關一村爲水湮溺死人男女老幼共三十七口

二十五年五月十一日初夜燈火遍野光災異常自邑至大同北京大略相似民間先有紅燈照之謠是年裁把總

二十六年夏拳匪到處惑亂至七月二十日日俄英德法國連軍陷京師董福祥奉皇帝太后西幸長安道經廣武 以後取士不用八股文 二十七年和議成帝及太后回京 是年裁外委 九月九日桃杏復花 二十八年七月瘟疫大行城關死人四十餘口

宣統三年民軍起義帝改爲民國 是年裁教官設學堂 民國七年正月鼠疫作路
 斷人行馬邑被瘟者二三村
 村堡

東

水磨頭

三家店

李磨瞳

羅家瞳

西寺院

李沿瞳

南西河底

北西河底

霍家新墳村

東北

紅壕頭

大夫莊

榆林子

鄯河村

羊圈頭

沙家瞳 上下二村

泥河子

下寨村

南

新近瞳

永安莊

河淋漓

霍家營

新村兒

滋潤村

下關城 故址猶存

羊十二莊

長潤村

青塚村 保存

里林莊

黃水河

馬邑縣志

卷之一 賦役志

二二三

高陞莊 舊名史庄

小寨兒

代堡村 堡廢

西君村

老君廟

陳家莊

里仁村 舊名古城

汴子瞳

三泉村

寺頭村

十里堠

劉令史營

新寨村

白莊

姚家莊

白泉村

舊廣武 城存

白家園圖

高家莊

王東莊

西范莊

趙家新莊

察罕舖

天圪堵

南辛寨

孫家嘴

油房村

王家園圖

喬家莊

劉家灣

石都莊

西南

小塗膏

西穎寺

長城村

南曹村

北曹村 保廢

太平窰

崔家窪

馬邑所

北

小泊村

吉家莊

馬跳莊

吳佑庄

西北

神頭村

東邵庄

北邵庄堡存

司馬泊

陡溝兒

張家口

平易村

郭家窰

新磨村

祝家庄

安家庄

馬邑所歸併本縣村庄

陸家庄

大代堡

白家庄兒

大梁上村

西山遠庄

九姑村

雙化嶺

中前窰子

正峪里村

龍泉村

井溝村

東庄村

頂家溝子

蓬卜峪

馬蘭峪

口前村

陽明溝

井兒村

對井溝

柴家塢

王家庄

東窰村

大羊泉

南庄村

勒馬溝

舖舍

馬邑縣志

卷之一 賦役志

二四

在城舖

西十里舖

三家店舖

羅家瞳舖

新興舖

滋潤舖

汴子瞳舖

察罕舖保廢

羊十二庄舖

北口髓

嶺底舖

里甲

本縣原編八里明永樂十年併為六里成化十八年併為四里前四里失傳其名現

在六里

一在城里

二雁門里

三鄯河里

四豐樂里

五順義里清順治年設

六安益里

宣德九年馬邑所編為十百戶今無考

田賦

明民田

洪武年田地一千四百八十頃九十二畝六分

夏稅豆麥四千四百九十四石五斗五升四合零

秋糧粟米三千四百六十一石四斗八升三合零

馬草一萬六千五百一束

每一束七斤折銀二分三厘

腳價銀一百一十一兩四錢六分八厘零

半楨銀四十兩四錢二分一厘零

鹽糧銀四十七兩三錢七分六厘連闔五十三兩七錢九分六厘

嘉靖年驛糧一千五百二十石

清原額民田二千一百七十二頃二十七畝五分

共徵夏稅秋糧馬草腳價地畝九釐驛糧等銀九千二百二十四兩一錢二分四釐零

馬邑縣志

卷之一 賦役志

二五

雍正八年除歷年題豁不開外實在民田熟地共二千一百八十四頃七十七畝一分

實征民田折色銀錢共四千五百六十八兩三錢八分零

內有牛楨銀四十一兩一錢七分一釐

屯田

明屯田

正統七年撥安東中屯衛遺留地土置所立屯共地一千六百八十頃

夏稅豆麥七百九十三石三斗二升一合零

秋糧粟米

與夏稅數同

穀草二千五百七十五束

牛楨草價銀六十五兩六錢三釐零

清

雍正三年除歷年題豁不開外實在屯田熟地共三百二十九頃四十八畝一分實徵本色糧除官俸糧一十四石五斗一升折銀外實徵八百八十二石八斗九

升折征銀八百五十六兩四錢三釐零

半頓草官俸糧折銀一百一十四兩五錢五分零

額征土兵銀三百六十兩

今之裁銀

額征本所協濟銀一百六十八兩八錢

額征宗產房課匠價銀二十三兩一錢四厘

額外帶征寶興銀二十兩

均徭銀一千五十兩二錢四分二厘

歸併馬邑所丁銀一百五十七兩又安東衛撥補本所尖丁不敷銀五兩六錢共銀一百六十三兩

以上共征地丁等項銀七千三百五十五兩二錢八分五厘零

又征改折糧八百八十二石八斗二升

又征改折草一千四百五十六束二項折價總算在銀內

嘉慶二年裁縣併朔州均徭以歸田賦

馬邑縣志

卷之一 賦役志

二六

三年被水沙壓坍塌不能修復地一十五頃請豁銀四十一兩二錢一分三厘零

道光二十七年清查荒地豁免無着銀四百一十五兩七錢三分三厘零

光緒六年續查荒地豁免無着銀六百三十一兩六錢四分四厘零

實征銀四千九十二兩三錢五厘

歸併馬邑所屯田共地三百二十九頃四十八畝二分

共征折色銀四百一十一兩九錢九分六厘零

本色米一百九十石二斗六合內除本色豆一百一十六石三斗七升九合

改征銀七十一兩六錢一分二厘零

草一千四百五十六束

每束折銀二分三厘

共征銀二十九兩一錢三分七厘零

折色銀八十五兩四錢二分一厘零

戶口

明

萬曆年爲戶七百九十二男三千七百二十四丁

清

康熙元年編審行差人一千三百六十九丁共徵銀一千五十兩九錢五分九厘
零以三門九則分派

以上上則每丁徵銀三兩

上中則每丁徵銀二兩三錢二分五厘零

上下則每丁徵銀一兩九錢一分八厘

中上則每丁徵銀一兩五錢五分三厘

中中則每丁徵銀一兩一錢二分三厘

中下則每丁徵銀七錢九分三厘

下下則每丁徵銀五錢六分三厘

下中則每丁徵銀四錢八厘

下下則每丁徵銀二錢八厘

馬邑縣志

卷之一 賦役志

二七

屯丁

明

洪武初額官軍一千六百三十二名

清

雍正三年裁併本縣原額人丁冊報本府現在行差人丁四百一十丁征銀一百

十兩 內亦以三門九則分派

上上則每丁征銀九錢

上中則每丁征銀八錢

上下則每丁征銀七錢

中上則每丁征銀六錢

中中則每丁征銀五錢

中下則每丁征銀四錢

下上則每丁征銀三錢

下中則每丁征銀二錢
下下則每丁征銀一錢
至乾隆後丁徭歸田賦有地者不肯逃卽無地者亦不輕去其鄉法良意美吾邑
貧民始不貫郡封戶籍矣

起解

雍正六年起解司道府糧餉廳共銀五千八百三十一兩二錢二分三釐內有改
征米銀二千三百三十六兩四錢二分九釐米一倉石折銀一兩一錢五分共改
征米二千三十一石六斗七升七合零
改征豆銀八百五十四兩二錢八分一釐每倉豆一石折銀九錢七分共征豆八
百八十石七斗二合零
改征草銀一千四百九十二兩二錢二分八釐
以上各項改徵錢銀四千六百八十二兩九錢三分八釐
又起解銀一千一百四十八兩二錢八分五釐

馬邑縣志

卷之一 賦役志

二八

留支

雍正三年留支驛站馬匹草料人夫工食等項銀一千二百六十四兩四錢三分
二釐

留支官俸役食祭祀等項銀二百五十九兩六錢三分又從司庫支領不敷銀七
百六十一兩二錢三分二厘

知縣員下每年

俸銀四十五兩

門子二名快手八名皂隸十六名傘扇夫三名轎夫四名燈夫四名庫子四名斗
級四名看監禁卒八名舖司兵一十名

以上每名工食銀六兩

更夫五名每名工食銀五兩

吹鼓手四名每名工食銀三兩六錢

看守察院門子一名每名工食銀七兩二錢

民壯兵五十名每名工食銀四兩共銀二百兩皆給以地後民壯兵裁去地歸民間是爲裁銀

典史員下每年

俸銀三十二兩五錢二分

門子一名皇隸四名馬夫一名

以上共工食銀六兩

儒學教諭訓導員下每年

俸銀三十一兩五錢二分

二官分食

門斗三名齋夫三名膳夫二名

以上每名工食銀六兩

廩生二十名每名餼糧銀四兩

文廟香燭銀三兩

本縣經費公支項下

馬邑縣志

卷之一 賦役志

二九

春秋二祭壇廟八十兩

清明中元十月朔日三祭孤魂銀一十五兩

迎春神牛銀二兩

印刷曆日銀三兩

鄉飲酒禮銀八兩

歲貢花紅銀六兩

祭馬火神銀三兩

光緒六年後共征地丁寶興房課匠價土兵裁減等銀四千三百五十五兩二錢

額征米折銀一千四百五十八兩六錢九分二厘

額征豆折銀一百一十七兩四錢三分六厘

額征草折銀六百五十三兩四錢一分九厘

起運

戶部項下銀二千四百七十七兩四錢九分九厘

批解藩庫銀一千五百六十二兩四錢九分五厘九毫
衛所歸併起運藩庫銀七百二十八兩三錢三分一厘四毫

穀之屬

稻 近河地有之然天寒霜早多不能熟故墾種者少

梁 爾雅曰梁今之高梁是也

菽 即豆也有莞豆春種夏熟黑豆匾豆大豆江豆俱秋熟

麥 有大小二種俱春分前種之又油麥性耐寒不畏霜故近山之地播種最多俗呼油麥為莠麥者非莠田中切調去聲非油也

穀 即梁也今直名為穀脫殼則為粟米亦曰小米李時珍曰今之粟在古但呼為梁自漢以後始以穗大而毛長粒粗者為梁穗小而毛短粒細者為粟故唐孟詵本草言人不識粟而近世皆不識梁也爾雅亦云梁今之粟類即穀是也有早晚大小及紫白之異種

黍 有青白黃紅四種與早晚大小之分

稷 有青紅白黑四種與早晚大小之分似今之糜

胡麻 種者極多取其籽以磨油

蔴 取籽磨油取皮製繩

馬邑縣志

卷之一 賦役志

菜之屬

山藥 古名薯蕷但蕷薯形長而此形圓本名芋色有黃紅紫數種清嘉慶年共種來自福建盛行於今三月四月下種七八月收每畝多至二千餘斤製粉麵多於豆粉藕粉者邊地貧寒賴此為養命之源

黃花蕨菜 出於本縣北山

小蒜 出田野間

高苣 一名蕪菁一名諸葛菜

蔓菁 一名蕪菁一名諸葛菜

地皮菜 似木耳而小生於野地

瓜之屬

西瓜 五代時邵陽令胡嶠征回紇得此種歸故名西瓜喇嘛瓜黃穰黑子最香美

王瓜

甜瓜

菓之屬

杏

桃

李

棗

葡萄

芥 取其子為末水調食之可以疏風導氣

白菜

苦苣

藤蒿

芫荽 一名胡荽發表之物小兒患痘症用水煮熬取其氣以疏風散邪

豆角 茄

葫蘆

絲瓜

木瓜

芹 葱

蘑菇 生於下地味不美

甜苣 出田野間

蘿蔔 紅黃白數種

苜蓿

苜蓿

苜蓿

苜蓿

苜蓿

苜蓿

藥之屬 依舊誌備載其名

苦參	管仲	沙參	麻黃	柴胡
防風	三棱	川芎	細辛	遠志
桔梗	蒼朮	大黃	葶藶	荊芥
地黃	芍藥	枸杞	地榆	黃芩
野菊	石膏	知母	車前	豬苓
紫蘇	薄荷	甘草	黃耆	牽牛
益母	御米	五味子	郁李仁	威靈仙
欵冬花	葶麻子	瞿麥 <small>即石竹</small>		

貨之屬

葦 可編蓆惟下濕之地始生不過三五村有之

炭 離城十餘里及三四十里北山一帶皆有礦俗雨之煤窰

鹽 邊民寒苦無力食河東言監擇沙鹵廢地不成田者起土而煎之曰小鹽計鍋數以納官課自民國計斤徵稅

馬邑縣志

卷之一 賦役志

三二

城 與鹽同起地之鹵土熬而成之然無多也官課亦計鍋數催納

畜之屬

牛	馬	騾	驢	豕	羊	犬
貓	鵝	鴨	雞			

花之屬

邊鄙異寒諸花卉地既不能生之人亦不樂購之如牡丹石榴薔薇無花果等問有自代州買來者皆栽植盆內冬即藏之地窖而猶不能生活云邑產則誣矣葵萱之類則雖寒地亦生

菊	葵	石竹 <small>草花一種非竹也</small>	山丹	牽牛
早荷花	玉梅 <small>即御米非梅也</small>	金盞 <small>易生之物即藿麥</small>	丁香 <small>花香易植</small>	
雞冠	粉團	芍藥	刺梅	萱草
十樣錦	百般嬌	海納 <small>即鳳仙易生</small>	拳丹	漫陀羅
牡丹	水紅花	珍珠花	玉簪 <small>婉肖其形</small>	薔薇
石榴	無花果	鼓子花		
木之屬				
楓棘 <small>北山一帶有之</small>				

榆 柳 桑 槐 椿 松 栢

楊 檜 林檎

草之屬

蒲 萍 蘆 艾 蒿 馬蘭 蒼耳

莎草 能燻疝氣

禽之屬

雀 鴉 鳩 鵲 鷺 雁 鷓鴣

燕 雉 鷹準 出寧化西山雖有之非邑產也

半翅 鵲 石雞 鷓鴣 青鷄 水鴨 羣飛水際

鴟鴞 鷓鴣 馴狐 鵲 鴛鴦 時游泳於河中文鳥也每徘徊波際上下和鳴令人動關睢思之焉

獸之屬

野豬 出南山大為田害得之者有重至二百餘斤肉味遜於家畜

狼 鹿 麕 麀 麇 狐 狸 獾

馬邑縣志

卷之一 賦役志

三三一

兔 鼠 田野有黃鼠一種比倉鼠稍大而毛黃其味香肥美比於閩南之竹鼯土人掘穴而得之每對可貨錢數百

蟲之屬

蠱斯 蝴蝶 促織 螻蛄 蚯蚓 蚯蚓 蛙

壁蝨 蟬 蟊 蛇 蝸牛 土鼈 蚱蟬

鱗之屬

魚 桑乾上流處有之粗如指長二三寸六七寸不等所謂鯽也土人編柳為罩於河中取碎石子砌為兩壁由寬而狹安罩壁口每月明夜魚順流而下取之如寄其有大重數觔者則鯉也味不亞保德州之石花然在澗泉最深之處尋常人不能見不可以餌釣邊人不習網罟取之無術惟入夏以後遇雷雨瀑漲為洪水所衝激而出或有於河岸拾得者則盛暑之際逾時則餒

蝦 金龍池黃道泉細蘆灣小泊水草茂密處皆有之然細纖不堪食

蛇魚 長至二三尺徑圓寸許不能長有